

# WHĀNGAIHIA ATUTE REO

Whakamahia te reo Māori hei whakaako i te āpōpōtanga mā te  
Tohu Paetahi o te Mātauranga (Whakaako) Huarahi Māori



He āhuru  
mōwai



Pouwhirinaki



Whakaako ki ngā  
kura rumakanga  
me ngā kura  
auraki



UNIVERSITY OF  
AUCKLAND  
Waipapa Taumata Rau  
NEW ZEALAND

EDUCATION AND  
SOCIAL WORK

# Kia whakangungua hei pouako ki te Huarahi Māori

Mehemea e kaingākau nui ana koe ki te reo Māori me te mātauranga ko Te Huarahi Māori me te Tohu Mātauranga (Whakaako) te ara mōu.

Ka whakaritea koe ki te whakaako ki ngā kura rumakanga kura reorua me ngā kura auraki mai i te tau tuatahi o te kura tuatahi tae atu ki te tau tuawaru o te kura takawaenga.

Kei ngā tōpito katoa o te rāngai mātauranga ngā raukura o Te Huarahi Māori e mahi ana hei kaiako, hei kaiwhakaaweawe kaupapa here, hei kaiwhakatairanga i te reo Māori, i ngā tikanga me te mātauranga Māori e whakanikonikohia atu ai te ara mātauranga mō ngā whakatupuranga e pihī ake nei, e pihī ake nei.

---

*Ka nui taku rata ki ngā noho ā-kura, arā, te mātakitaki i te kānapanapa o ngā karu o ngā tamariki i te wā ka ako rātou i tētahi mea hou, waihoki, te hiamo i ō rātou reo i te wā ka whakapuaki rātou i tā rātou i ako ai.*

---

*Nōku te waimārie kua tupu au ki ngā whenua taurikura o Hokianga, arā, ki te whenua haumako o Waimā. He uri ahau nō Ngāti Hurihangā, Te Māhurehure, Ngāi Tawake, Ngāti Toro, Ngāti Whakaēke, me Te Hikutū.*

*Nā tōku whānau me te hapori ahau i whakahihiko kia ako au i te hōtaka o Te Huarahi Māori. Mā te tohu whakaako ka tautokona taku whakatāuteute, āwhina hoki i ngā ākonga ki te whai i ngā taumata tiketike o te ao hou nei, kei whakakaha ana i te hononga o te hunga rangatahi ki ngā tikanga, te reo, ngā uara, te ahurea tuku iho o ngā tupuna me tō rātou tuakiri motuhake.*

*Nā te rite tonu o te noho tahi ki te hunga matatau ki te reo Māori i whakatenatenatia, i werohia hoki ahau, nā konā hoki, i whakahihikotia ai ahau i tautokona hoki kia whakawhanaketia ake tōku mōhio, tōku kaha, tōku māia hoki me te whakatupu i tōku mārama kī te reo me ūna tikanga. Ko te manaakitanga me te whakawhanaungatanga o Te Papa Ako o Taitokerau te hā o te hōtaka me ūna tāngata katoa.*

*E whakamihia ana taku noho ki te kura i kuraina ai ahau, he kura hoki i kuraina ai tōku whānau mai i te tīmatanga rā anō o te kura i tō mātou hapori. Ko taku whiwhi tūranga kī tēnei kura e pātata tonu ana ki tōku anō kāinga tētahi tohu nui kei te ara tika ahau.*

**Desiree Witehira**

*Ngāti Hurihangā, Te Māhurehure, Ngāi Tawake, Ngāti Toro, Ngāti Whakaēke, and Te Hikutū - Ngāpuhi*

*Bachelor of Education (Teaching) Huarahi Māori specialisation at Tai Tokerau Campus*

Mā te tohu whakaako ka ka whai wāhi koe ki te whakamahi i ngā tikanga me te reo Māori ki te hāpai i te ākonga, i te iwi, i te hapū me te whānau. I te roanga atu o te tohu, ka noho koe ki roto i te akomanga (kura rumakanga, kura reorua, kura auraki rānei) mō te 24 wiki ki roto i te akomanga, ā ka ārahina tō tupuranga hei kaiako whaihua whakangungua koe e te kaiako mātanga ☺.

Whakaakona ai te hōtaka o Te Huarahi Māori ki ngā papa ako o Maungawhau rāua ko Te Taitokerau.





## Tō tātou Marae - Te Aka Matua ki Te Pou Hawaiki

Ko Maungawhau, Ko Maungakiekie ngā maunga

Ko Waitematā, Ko Manukau ngā whanga


Ko Tūtahi Tonu te Whare

Ko Te Aka Matua ki Te Pou Hawaiki te Marae

Ko Niwaru te waka

Ko Tuputupu Whenua te tangata

Kei Te Papa Ako o Maungawhau te marae o Te Aka Matua ki te Pou Hawaiki. He maha tonu ngā tūmomo kaupapa, hui hoki e whakahaeretia ana i runga i te marae, pērā i te pōwhiri, ngā kaupapa ako me ngā wānanga a Te Korowai Atawhai. Arahina ai ēnei mahi katoa e ngā Amo Taurima o te marae.



## Te Korowai Atawhai

Ko tā Te Korowai Atawhai he tautoko i tō urunga mai me me tō hīkoi i te ara mātauranga (academic and pastoral support).

Whakaratohia ai e mātou he:

- Akomanga
- Wānanga, Nohonga
- Whakawhanaungatanga
- Pouwhirinaki
- hononga ki tētahi poutoko tauira me ngā ratonga mātanga o Waipapa Taumata Rau
- Wāhi motuhake mō ngā tauira Māori

Toro atu ki [auckland.ac.nz/te-korowai-atawhai](http://auckland.ac.nz/te-korowai-atawhai) whakapā atu rānei ki a: [tekorowaiatawhai@auckland.ac.nz](mailto:tekorowaiatawhai@auckland.ac.nz) me he pātai āu.

## Ngā Karahipi

He mahā ngā tūmomo karahipi hei tautoko i tō hīkoi i te ara mātauranga pēnei i ngā Karahipi a TeachNZ e kapi ai o utunga kōwae ako, e whakaratohia ai hoki he takuhe mō te wā e akoako ana koe.

Mō ētahi atu mōhiohio toro atu ki:

[auckland.ac.nz/education-scholarships](http://auckland.ac.nz/education-scholarships)

## Tono mai ināianei

### Kua rite koe ki te tono?

- Haere ki [auckland.ac.nz/apply](http://auckland.ac.nz/apply) ki te tīmata i tō tono. Mehemea kāhore ō pūkete, ka tonoa koe kia whakarite i tētahi mōu. He tere, he māmā, ā, kāore noa iho e roa ka whakamānūhia tō tono.
- Tuarua, ka whiwhi īmera koe e kī ana kia tukua atu ētahi atu mōhiohio āpiti kia taea ai tō tono te aromataawai. Mō ētahi atu mōhiohio me te whakareri mō tēnei toro atu ki: [auckland.ac.nz/teaching-applicant-info](http://auckland.ac.nz/teaching-applicant-info)
- Ka taea e koe te tirotiro ā-huiata tō tono mā te pāwhiri atu ki tāu pūkete.
- Ki te angitu tō tono, ka tukuna atu he īmēra e mātou e kī ana me pēhea tō whakaae ki te tono.

## Whakapā mai

### Ui ā-tauira

Mō ngā uiuinga tauwhānui katoa tae atu ki te kimi whakamaherehere mō te urutomo mai, te whakauru me te hōtaka ako, hono mai ā-huiata, haere mai rānei ki Student Hubs.

[auckland.ac.nz/student-hubs](http://auckland.ac.nz/student-hubs)

### Waea mai:

Tāmaki makaurau: (09) 923 5025

Kei waho o Tāmaki makaurau: 0800 61 62 63

Tāwāhi: +64 9 373 7513

# Glossary

**Bachelor of Education (Teaching):** An undergraduate degree at the Faculty of Education and Social Work.

**Huarahi Māori:** A specialisation within the Bachelor of Education (Teaching), focusing on preparing students to teach in Māori immersion, kura kaupapa, bilingual and English-medium primary and intermediate schools.

**Foundation programme:** A preparation programme that will help you gain entry into an undergraduate degree.

**Undergraduate degree:** The first degree that you study for, usually three years of full time study.

**Postgraduate programme:** A programme undertaken after you've completed an undergraduate degree.

**Faculty:** An organisational unit that delivers academic programmes and research (Faculties usually comprise a number of schools or departments).

**Course:** A basic unit of study (The successful completion of a course results in the award of the points specified for the course).

**Admission:** The process of applying and being approved for entry to a university course or programme.

**Supplemental information:** Documents or other items needed to complete your application for admission, e.g. ID, evidence of previous tertiary study if any, referee request.

**Tertiary education:** Education at a university level.

**Completion:** Indicates the requirements of the programme have been met and that the student is eligible to graduate.

**Undergraduate Targeted Admission Schemes (UTAS):** An entry pathway into a programme of study.

**Tertiary Foundation Certificate (TFC):** A foundation programme that will support your entry into an undergraduate degree.



Ko te mea tino pai rawa atu o te hōtaka o Te Huarahi Māori ko te ahurea me te reo Māori.  
He nui ngā mea o te ao Māori e rite ana ki tō mātou ahurea, ki ū mātou whakaaro me tā mātou tirohanga ao. Ko tētahi mea nui anō ki a au ko te whanaungatanga o te papa ako o Tai Tokerau, arā, e mōhiotia ana ngā tāngata katoa, he kaha hoki nō rātou ki te āwhina, ki te manaaki anō hoki. He wāhi ātaahua. Ehara i te mea me matarau rawa atu ki te whakauru ki te hōtaka o Te Huarahi Māori - ko te mea nui

kē ko tō ngākaunui me tō manawanui. Mā te ngākau rorotu me te manawa tītī hoki ka eke a taumata ikeike.

Kia Kaha! Kia Maia!Kia Manawanui! Tū whitia te hopo, mairangitia te angitū! 'Ofa atu.

## Seluvaiia Latu

Pelehake, Te'ekiu, Vaololoa, Tu'atakilangi in Kolomotua'a - Tonga  
Bachelor of Education (Teaching) Huarahi Māori

Get a better understanding for what it's like to study the Bachelor of Education (Teaching) Huarahi Māori specialisation programme and hear from our students:



Te Wairemana's  
practicum experience



Mauri's  
practicum experience



Q&A session with staff, students  
and graduates



**EDUCATION AND SOCIAL WORK**

FOR ASSISTANCE PLEASE VISIT US AT:

**Te Puna Wānanga, School of Māori and Indigenous Education**

Faculty of Education and Social Work. The University of Auckland, Gate 3, 74 Epsom Avenue, Epsom, Auckland Private Bag 92019, Auckland 1142, New Zealand.

**Whai urupare:**

Mō ngā uiuinga tauwhānui katoa atu ki te kimi whakamaherehere mō te urutomo mai, te whakauru me te hōtaka ako, hono mai ā-huiata, haere mai rānei ki Student Hubs.

[auckland.ac.nz/student-hubs](http://auckland.ac.nz/student-hubs)

**Waea mai:**

Tāmaki makaurau: (09) 923 5025 | Kei waho o Tāmaki makaurau: 0800 61 62 63 | Tāwāhi: +64 9 373 75133

[auckland.ac.nz/huarahi-Māori](http://auckland.ac.nz/huarahi-Māori)